

Meshananeken 3

Euauitakents kanashatapueta kents meshananeken

MATSHANITA SHKUTAMASHUN NETE KANAKATUENAMAKANUTSHI UASSETS ENTA NESSA PISHUM 1, 1973 NASHPESH UAPUKUEN PISHUM 28, 1989?

Ume kuauitakenua shuneau tshetshi mintunants tshauimametanenite put peta. Tshui menatshitapatamen ume meshananeken. www.NFLDsexabuseclassaction.ca

Nete kamashtueshintunants nete Nfld mak Labrador (kaueshintunants) katapueta nenu meshananekenu. Meunenu kaitshinuesht uin tshetshi tapueta.

Ume uishaiueueshintunants entshe auentshi kamatshatutuakenets nete kashkutamashuts put katauakue nete Newfoundland mak Labrador uassets kakanuenamakanets enta nessapishum 1, 1973 nashpesh uapukuenpishum 28, 1989. Nenua kashkutamatsheutshiuapa tshuauitakentshi:

- Whitbourne Kashkutamatsheutshiuap, uassets kashkutamatsheutshiuapau, uassets kanakatuenamakanets napesets.
- Pleasantville kashkatumatsheutshiuap, eapets neshkuesets kanakatuenamakenets, ekuet eapets nashkuesets nakatuenamakanipents uipets nete Tobay mak St John's mak
- St John's uassets kanakatuenamakenets.

Kaueshintunants kanashaniatets kanantusenitakents tshakuan mak auentshi katats, kauetanankenets tshetshi tats Jane Auen (#7), John auen (#10) mak kuetek John Auen (#11) kie kaitshinuesht eapets uishamakanipan kie nenua katushkuat Morris Martin Moore nete Mount Pearl ne kuetek kaitshinuesht.

Kamamashishemut mak ne tshuetshamau mamu tapuetamupants tshetshi tshishtutas nenu kenantusenitakenua tshakuanu ute keuashitunants. Tapuetashe tshakamakunesht mishue tshakuanu ute kaueshintunanets, Tshuetshamau tshekatshishishu \$12,500,000.00 tshetshi minakenets entshe auentshi kapitakatats mueshananekenua nete kaueshintunanets, kie passe kaitshinueshets tshekatshishiuakenuets mak nenu tshakuanu tshetshishias, mak ente kuetek tshakuan tshetshishiakents essiu utishapents. Kaitshinueshets ntuenitamuets tshetshi minakenets essi tashkatas \$3,125,000.00 mak tax kie kueta tshekua tshetshishias \$58,899.89 mak mamu tax.

Tshekatetaunakenu ne shuneau tsheminakenets entshe auentshi kamamashishemuets kie nenu eshauakenets tshetshishiuakenets, \$500,000.00 kantuenitak piek auen. Tshuetshamau ettu tshekatshishishu \$250,000.00 kie \$25,000.00 tshakakasthanem auen nenu essi meshtanak ushuneam.

Tapuetashe nass mishiue tshakamakunuesht tshakuanu kie minakentae shuneanu auentshi, tshaka meshanaushuets auentshi meshananekenu tshetshika minuats petutats mueshananekenua tshetshi ueueshaets tshuetshamau nenu kamentutuakenets put kie emashtutuakenets nete kashkutamatsheutshiuapish.

Tshikai tapuetum tshakamakunuesht nenu meshananekenu eshk eka takuenets shuneanu.

Tapuetakune tshetshi minakuen ketshin shuneau, tshekatshi menapuen put kantashename tshemashananeken tshenashtapa.

Tshatshi muk kuetek tshekuan tute:

- 1. Tshemashanantshen:** tshemashanamuets ne kuinakenua nashuk shuneanu kenutshiemua lamanuenitame eshatshishiuakenets kaitshinueshets kie nenu eshuatanass shuneanu kie tshenasishueuet tshetshika tapuetuakenets nenu eshatuenitas nete kaeshintunanets. Tshemui meshanantshe eshk eka uetishapents uapakuenapishum (June) 8, 2022
- 2. Uitakuashene:** Tshekatakueshenen kaitakuashene nete kaeshintunants. Muk tshemui nesishue tshetshi nesishuen tshekuan nte anamueatekentshe tshemashananeken. Nta uapakunapishum 15, mak 16, 2022 tshekatshitapatakenu tshemashananeken kie tshekanamuetakenu nete St John's Newfoundland mak Labrador kameshtueshintunants.
- 3. Kaii tutame tshekuan:** Uipunikame mishue tshemashananeken kantushtan nete kaeshintunants tshetshi minakun shuneau.

Tapuetakentshe meshananeken kapitakatakents nte kaeshintunants tapuetashe tshekamakunesht, tshemui tapuete meshananeken eteshtets mishiue. Eku kataputakentshe ne meshananeken katapuetashe tshekamakunuesht tshekatshi nashtesh auen kashtanum tshekuanu.

Tshemui uitamau ne auen kaiatanuemau shuneanu, nete uitshanutshiakents auentshi ueeshinuets, uinasishuene tshekuan uianamueatame tshemashananeken.

Ne auen kaiatanemua shuneanu eapets tshekaitamak tshetuet mak tshekauaitamak tshekuanu kukuetshamate.

Uimate ne katusesht meshananekea kenatshiemua, tshentuapamek nta

www.NFLDseabuseclassaction.ca put tshematueshtuek 1-877-400-1211. Put make tshemashanamuek: Newfoundland and Labrador Sex Abuse Class Action, 117 Queen P.O Box 1000, Niagara-on-the-Lake, Ontario, L0S 1J0

Ume meshananeken ketakuenua tshuaitamakun tshekuan tshapatute kie shtepenitakuen kie tan tshepaten uitutame tshekuan.

TEPATSHEMUEN

Tshekuan uishaitashamakunan ume meshananeken tekakuenua?

Tshekamakunuesht tapuetum tshishats nenu tshemashananekenu nenu kuaitakenu tshetshi ntushtakents nete kaueeshintunants kie tan tshetan eshk eka tapuetak tshekamakunuesht tshetshi tshishapenets nte kaueeshiuntunanets.

Tshekuanu kueeshintunanua?

Ume eshanakuash kueeshintunanua, peik put ettu mashetets auentshi neshaniatakenuets tshekuanu nte etats mamu kaueeshintunanets ueesheuet nenua kuetaka auenua. Eku mamu meshaue etats nte kaueeshintunanets enkuen uishtakuash mamu kaueeshintunants kepua

nasheniateu. Eku tshékamakunuesht uintusenitum nenu tshenashautshat nenua etantshi nte mamu kaueueshintunanets.

Entshe auentshi ueueshinuets nta neshaniatakenuets Jane auen (#7), John Auen (#10), kie kuetek John Auen (#11).

Eku kaitshinueshets nete etats eshaniashuts Morris Martin Moore of Mount Pearl.

Muinakanuets nass utashaniashunuaua nte kuetakets etats nte kaueshintunanets, muk tshatshi ntusenamauauets meshanamuek nenu kanakatuapatumua mishue kueueshintunanua.

Newfoundland mak Labrador Tsheutshamau enkue ueueshakent

Tshekuanen uishaueueshintunants?

Nenu ntakenu Tsheutshamau uine tutem tshetshi meshtutuakenatshi uassa, katuseshentshi mak kuetaka auenua etusentshi nte metshatutauantshi nenua uassa, uinenua katuseshima ntakanu. Pepema nashanakuen uass eshamashtutuakent:

- Ema tshetutakuets nte etat nenua katuseshentshi, kuetaka auenua etusentshi nte, mak kuetaka auenua.
- Euetatamauakent eapets mekuats nte etat, emuesheshketeaken eapets.
- Emuesheshketeakent kie tshepauakent put passe utapatshitauna emenakenatshi tshetshi utatamauakent.
- Kie put emamatshamakent ntuen eatakent enashaniatakent

Tshekuan tshishats ketapuetakenua tshetshi tshetshi uauitakents shuneau?

Ents auentshi ueueshaiants nenua Tsheutshamaua mamu tapuetamuets tshetshi minakenatshi shuneanu tshetshika neush ashanuapatamentshi kie tshetshi shuka anamenets mekuats epempamanets nte tushtakenetshi kaueueshintunanets (muk tshékamakunesh tapuetashe tshetshi neshpenets nte kaueueshintunets put tapuetakentshe tshetshi kueshkuanu peshtanakents shuneau)

Uinuau nenu tshekamenapuninakuets ntenamakanuets entsh ketauetshi meshaue uauitshinushuts.

AUENTA ETAT ENTA UENAUITAKENTS SHUNEAU?

Auentshi entsh eshtatshamakenets enta shuneau tshakashtanamueets?

Entshe auentshi kashkatamashuakue uaiu muk:

1. Tsheshkutamashuakue put etauakue nete uassa kakeuenamakenatshi , nta kuinakanutshi meshanekenish enta Nessapishumua 1, 1973 nashpesh Uapukuenpishumua;
2. Kie emashtutuakenuakue mekuats etats put mekuats eshkutamashuts nete nakatuenamakenets.
3. Eshk eniuets anutsh uineshk pishumua 10,2022

4. Eshk ekanita ueshitats kie nteshanas mueshanekenuau tshetshi ntuenitas shuneanu.
5. Kie entshe Newfoundland mak Labrador katats uinuau muk, eka punias nenu eueueshaiats tsheutshamau.
6. Eku entshe ekatats Newfoundland mak Labrador, tshash ene uinuau punitauets mueshanekenuau.

Tshematueshtuek ne kenakatuenitumua nenu kuiueeshintunana, uikukuetshamekue tshekuanu put uinasishuekue tshekuan:

Newfoundland and Labrador Sex Abuse Class Action Class Administrators

117 Queen St. P.O Box 1000

Niagara-on-the-Lake, Ontario, L0S 1J0

Tel (toll Free): 1-877-400-1211

Fax: 416-342-1761

www.NFLDsexabuseclassaction.ca

**TAN TSHENASHANAKUASHEN SHUNEAU MINTUNANTSHE TAN
TSHENASHAMINAKENETS AUENTSHI?**

Tan tshenaminakent auen shuneanu minakentshe tshekamakunesht tapuetashe?

Tapuetakentshe meshue ketakenua uatutakents, \$12,500,000.00 Tsheutshamau tshekapashtanem ushuneam tshetshi minakenatshi nenua meshaue etantshi nte ueeshintunanatshe, entshe tshekatshishiuakenuets kaitshinueshets kie tshekuanu essimeshtanas, mak eapets Tsheutshamau tshekatshishiashu \$250,000.00 kuetaka tshekuaana mak \$75,000.00 essi meshtanakenets ushuneamenu kueta aenua.

Mishiue ne shuneau tshekatetaunamatunanu tshekatshishiuakenuets essiauakenets uipets ente essitats kashkutamatshetshiuapits ntuen enitutuakenets uassets kie entshe eapets nenua uatshinakuets tshekatshishiuakenua mishiue nenu \$500,00.00 passe tsheminakenets.

Tanta tsheminakenets entshe auentshi shuneanu?

Tshekatshi nashtesh tshekuan tshishiashunanu patush tshekamakunuesht tapuetashe mishiue shuneanu tshetshi minuanets. Peikupuna tshekashanuapatumuets auentshi mishue patush tshetshi kashtanass mishiue ushuneamuau.

Tan tsheneshaminakenets enu ushuneamuau minakentaue?

Auentshi manakenets shuneanu tshekui tashanemuets mueshananekenuaua nenua tshekuimineuets kenakatuapatamenuani mesheue meshenanekea patush tshetshi kashtanas ushuneamuau. Eshk tshekatshtekuea meshananekea patush nass mesheue tshishtutakentshe tshekuan kie tapuetakentshe.

Auentshi tshekatshi nesishuets tshekuanu kauinasishuetaue nete emakentaue uintuenitakaue shuneanu nete kaueshintunanets. Nass muk tshekui tapueuets nenu essishuets ntuen enitutuakenets nete kashkutamatsheutshiuapish. Patush tshetshi kaniuets shuneanu tshekui tutamuets meshananekeu tshetshi uauitas nenu etutuakenets kie eshaunekueets nenu metshatutuakenets. Entshe kuetakets auentshi nass nakuatutuakenets tshekui emakanuets uinuau nenu nass etutuakenets.

Tan tshenashatshishiuakenets entshe kaitshinueshets?

Nete uinuau tshekautanakenu shuneanu tshetshishiuakenets kaitshinieshets mintunanetshe shuneanu nta tapuetashe tshekamakunuesht. Tshekatshi peta tshishiuakenuets kaitshinueshets patush uapatakenetshe nenu eshantuenitas shuneanu tshetshi kepua kanushem tshishiuakenets. Tshekamakunesht uin tshekasenitum tshenashatshishiuakenatshi kaitshinueshentshi.

Tshekuan nin tsheminuean patush tshetshi kashtanaman tshekuan?

Tapuetashe tshekamakunuesht tshetshi minuanets nenu shuneanu, tshekanesishue tshetshika nita minuats ueueshat tsheutshamau kie tshekamashanaushun meshananeken.

Patshia nekateshene ntashaniashuen nta kentauenitakanua shuneau?

Mauats, kamnuenitamue meshananeken etashtets, tshishats tshekui nesashue tshekuan eshk ekatapuetakents.tshekatshitshi nakateshene shtashaniashun eapets kamenuenitamue.

AUEN TSHEUITSHINT?

Tshek kaitshinueshets tsheuitshinets?

Kaitshinueshets nutshias nenu meshananekeu neshiatakenuets: Morris Martin Moore of Mount Pearl, uiamataue nete tshematau:

Morris Martin Moore

184 park Avenue

Mount Pearl, NL

A1N 1K8

Tel: 709-747-0077

Fax: 709-747-0104

www.mmmlawyers.com

Nina katshishiuau kaitshinuesht?

Meutshin tshetshishiuuet. Uinuau tshekakuetshamauets tshekamakunueshentshi tshetshi tapuetamentshi eshentuenitas shuneanu, kie nte tsheku ushapenu shuneanutshetshishiuakenets tapuetakenatshe tshetshi minuanets

Ekunin uiapatshatshe kaitshinuesht?

Tshin uiapatshatshe kaitshinuesht, tshi tshekatshishiuau.

TANTE TSHESINASHUEAN TSHEKUAN UINESISHUEAE NE MESHANANEKEN KANEMUEATAKENUA?

Tante tshentek tshekamakunuesht kamenuenitamuae ne meshananeken kie eshatshishiuakenets kaitshinueshets?

Kamenuenituemue meshananeken etashtakents kie kamenuenitamue eshatshishiuakenets kaitshinueshets kie nenu tshashias tshekuanu kie essiminakenets kuetakets shuneanu, tshenasishuen tshekuan. Tshekatshitapatum tshekamakunuesht tshemashananekenu esishueuet. Uinasishuene tshekuan, tshentashamen tshemashananeken ume tshenashanakutan:

1. Shtashaniashun, eteshtets nete ueshin, eteshtets tshekamatuetashim, kie eteshtets nete uishamashananentshen.
2. Tshentashtan nta uishapateshamen tshemashananeken
3. Kie tshekuan uisheka menuenitamamen ne meshananeken
4. Kie tsheuinushun tshemashananeken eapets.

Ne uen nakatuapatak nenu mishiue meshananekenu tshekuikashtamuen eshk eka uapukunupishuma 8 tshishtanakenatshi nete tshetashamen:

Newfoundland and Labrador Sex Abuse Class Action Class Administrators

117 Queen St., P.O. Box 1000

Niagara-on-the-Lake, Ontario, L0S 1J0

Tel: (Toll free): 1-877-400-1211

Fax 416-342-1761

www.NFLDsexabuseclassaction.ca

Tantaune kie tante tshekamakunesht tshetapuetak uitapuetashe nenu meshananekenu?

Tshekamakunesht mak kuetakets ente tshakaianumueuets nenu tsheanamueatas nenu meshananekenu enta uapukunupishamua 15 mak 16 etshishtanakenatshi. Tshekantute uintutene aianumuantshe nete St. John's.

Kuitaiane kueshintunanua uinasishueae tshekuan?

Mauats. Ntashame tshemashananeken nete ne kenakatuenuemua meshananekea mesheue nenu uanesishueuet tshekuanu tshekatshi tai nte kaueshintunants kuitane. Tshekuuapatum tshekamakunuesht tshemashananekenu. Tshin mak kuitshinuesht tshekatanau uitaikue nte aianumuantshe.

Katshi nesishuea tshekuan nete aianumuantshe?

Tshekakuetshamau tshekamakunuesht uinesishuene tshekuan. Tshekui minue tshemashananeken peta patush tshetshi nesishuen tshekuan mak tsheuiuitamen tshekuan uauaitamen. Nta uapukunupishum 15 kie 16,2022 etshishtanakent meshananekenu tshekamakunuesht tsheuaitak tshetshitapuetamukue.

Eku katutamae nass tshekuan?

Auentshi tshash nte kamashanaushuts tshekatshi kuetu tutamuets tante tshash nenu tshekamakunuesht tshekatapuetum meshananekenu meshaue. Tante eapets auentshi nte meshananekenets tshekashtanas shuneanu tshekatshi kuetu tutamuets kie tshash enu nesishueuets tshetshika tutas tshekuanu.

EKU TSHEKUAN KUETAK UINTUSENITAMAE?

Auen tsheuitamuk uintusenitamae kuetek tshekuan tepatshamuen?

Nete tshemashanatshen:

Newfoundland and Labrador Sex Abuse Class Action Class

Administrators

117 Queen Street, P.O Box 1000

Niagara-on-the- Lake, Ontario, L0S 1J0

Tel (toll free) 1-877-400-1211

Fax 416-342-1716

www.NFLDsexabuseclassaction.ca

kie tsheamatuau kuetakets kuitshinueshets:

Morris Martin Moore

184 Park Avenue

Mount Pearl, NL A1N 1K8

Tel: 709-747-0077

Fax: 709-747-0104

www.mmmlawyers.com

